

**ԱՐԵՎՄՏԱՀԱՅ ՄԱՄՈՒԼԸ
ՕՍՄԱՆՅԱՆ ԳՐԱՔՆՆՈՒԹՅԱՆ ՍԿՋՐՆԱԿԱՆ ՇՐՋԱՆՈՒՄ
(1840—60-ական թվականներ)**

ԱՐԵՐՏ ԽԱՌԱՏՅԱՆ

Օսմանյան Թուրքիայում մամուլի զրաքննության սկզբնավորումը կապվում է պարբերական հրատարակությունների հասարակական բովանդակության զարգացման հետ: Գրաքննությունը հռչակված էր պետության կողմից իրականացնելու մամուլի պարունակած գաղափարների և ուղղության վերահսկողությունը, մամուլին պաշտոնական գաղափարախոսության պարտադրումը: Այն հետամտում էր օրինապատշաճ հունի մեջ դնել կայսրության ժողովուրդների հրատարակչական գործը: Մասնավորապես 1840—1850-ական թվականներին Բ. դուռը փորձում էր վերահսկել Թուրքիայում հվրոպացիների գրատպությունն ու մամուլը: Դրանով էլ հակադրվում էր տերությունների տնտեսական-քաղաքական ճնշմանը ուղեկցող գաղափարական պրոպագանդային, որի նպատակն էր հիմնավորել կայսրության կախումն Արևմուտքից: Այս ուղղությամբ թուրքական իշխանությունների առաջին քայլերը, սակայն, արդյունավետ չեղան, որովհետև իրավական արտոնություններ վայելող օտարերկրացիները պայքարում էին իրենց առանձնաշնորհումների համար և շրջանցում էին կառավարության տնօրինությունները: Նրանք շարունակում էին օտար, ինչպես և տեղական լեզուներով գրքերի հրատարակությունը՝ տազնապ պատճառելով թուրքական իշխանություններին: 1849—1852 թթ. Բ. դուռը դիմեց դեպաններին՝ առանց կառավարության թույլտվության գիրք կամ գրքույկ չտպագրելու պահանջով: Այսուհանդերձ, կառավարությունը գրատպության գործը իր իրավասության տակ առավ ավելի ուշ՝ 1857 թ. հետևողական 15-ին հրապարակած «Տպարանների մասին օրենքով»: Այդ օրենքով օսմանյան և օտար հպատակներին պարտադրվում էր ստանալ թուրքական իշխանությունների թույլտվությունը՝ տպարան բացելու համար: Սահմանվում էր գրքերի նախնական զրաքննությունը: Պարբերական հրատարակությունները այդ օրենքով դեռևս չէին առանձնացվում տպագրական մյուս արտադրանքից: 1858 թ. հուլիսի 25-ին հրապարակված օսմանյան քրեական օրենսգրքի 138-րդ հոդվածն արդեն տարածվում էր նաև պարբերականների վրա, պատիժներ էին սահմանվում այն անձանց համար, որոնք գիրք, թերթ կամ այլ գրվածքներ կտպագրեին տերության շահերի, կառավարության անդամների կամ հպատակ ազգերից որևէ մեկի դեմ: Պատժով նախատեսվում էր նաև տպարանի մշտական խափանումը¹:

Տպարանների վերաբերյալ օրենքից առաջ թուրքական կառավարությունը հայերեն գրքերի տպագրության վերահսկողությունը իրականացրել է Կ. Պոլսի պատրիարքի միջոցով: Գրքերը տպագրվում էին պատրիարքի թույլտվությամբ՝ «Հրամանավ... պատրիարքին» վերտառությամբ, որը վկայում էր արևմտահայերի կրոնական պետի իրավասությունների մասին: 1850-ական թվականներին պատրիարքն այս գործը վերապահել է հոգևոր ժողովին²: Գր. Օտյանը 1864 թ. սեպտեմբերին, հիշատակելով Ն. Ռուսինյանի դեմ արևմտահայ հետադիմության հայածանցները, գրում է. «Ասկե սուսներկու տարի առաջ... «Ռուղախոսությունը» իբրև հերետիկոսություն պիտի պատժվեր և քիչ մնաց, որ վարչության ուժը բավեր՝ գիրքը տպող տպարանը զոցվեր և տպագրիչը բանտարկվեր»³: Ակներև է, որ պատրիարքի և հոգևոր ժողովի զրաքննչական ձեռնարկները սոսկ պատրիարքարանի պատերի ներսում չեն նախաձեռնվել: Տպագրական գործի վերահսկողությունը կղերի ձեռքին կենտրոնացնելու ուղղությամբ արվող միջոցառումների հա-

¹ А. Д. Желтяков, Печать в общественно-политической и культурной жизни Турции (1729—1908), М., 1972, с. 65; «Նոյյան աղալնի», 1. V. 1852:

² S. R. I s k i t, Türkiye'de matbuat rejimleri, Ankara. 1938, s. 10—11.

³ «Մասիս», 8. V. 1865:

⁴ «Հանդես ամսօրյա», 1902, № 5, էջ 143:

⁵ «Մասիս», 3. X. 1864:

մագրումը նույն ժամանակաշրջանում կառավարության գործողություններին ցույց է տալիս, որ գրաքննությունը կայսրության մասշտաբներով կիրառելուց առաջ Բ. դուռը նույնիմաստ հրահանգներ էր տվել համայնքների հոգևոր գլուխներին:

«Տպարանների մասին» օրենքով պարբերական հրատարակությունների համար նախնական գրաքննություն չհաստատվելը հիմք է տալիս եզրակացնելու հետևյալը. կառավարությունը տեղական մանուլը դեռևս չէր համարում հատուկ որոշակիություն ունեցող ռազմափարախոսական ամբիոն, ուստի, այն առայժմ դուրս էր մնում նրա քաղաքական ու գաղափարական մտահոգությունների տեսադաշտից: Ըստ «Նոյյան աղավնու», 1852 թ. երկրում տպագրվում էր ընդամենը 34 պարբերական, որոնցից 13-ը՝ Կ. Պոլսում, 5-ը՝ Զմյուռնիայում, 3-ը՝ Նիկիայում, 8-ը՝ Սերբիայում, 4-ը՝ Վալախիայում և Մոլդավիայում, 1-ը՝ Նիկոմիդիայում, Քանակով՝ ամենաշատը ֆրանսերեն թերթերն էին (8), ապա՝ հայերենը (5)⁶: Այս շրջանից հայտնի են երկու թուրքերեն թերթ՝ «Ժազվիմ-ի վազալին» և «Ջերիդե-ի հավաղիս»⁷. առաջինը պաշտոնաթերթ էր, իսկ երկրորդը հրատարակվում էր սուլթանական իրադեռով, ինչը բացառում էր և՛ մեկի, և՛ մյուսի քաղաքական անբարեհուսությունը: Այսուհանդերձ, մինչև մամուլի վերաբերյալ օրենքի հաստատումը (1864 թ.) իշխանությունները վերահսկողություն են իրականացրել պարբերականների վրա: 1840—1850-ական թվականներին թուրքերեն և հպատակ ժողովուրդների լեզուներով թերթերը հրատարակվում էին լուսավորության տեսչի և մեծ վեպիրի թույլտվությամբ ու սուլթանական ֆիրմանով: Գավառներում հրատարակության թույլտվությունը տալիս էր վալին՝ դարձյալ լուսավորության տեսչի հաստատումով⁸: 1857 թ. տպարանների վերաբերյալ օրենքը լրացվեց նույն տարվա սեպտեմբերի հրահանգով, որն արգելում էր որևէ բան տպագրել առանց գատաքննության ատյանի արտոնություն⁹: Դժվար է եղել, մասնավորապես, գավառներում պարբերական հրատարակելու թույլտվություն ստանալը, որն, ի դեպ, սուլթան Համիդի օրոք դարձավ րացառություն լինթադրող ուղեգրի: Այս իմաստով հատկանշական է Զմյուռնիայի «Մաղիկի» նկատմամբ իշխանությունների վերաբերմունքը: 1863 թ. մարտին «Մաղիկի» խափանվելու առթիվ Զմյուռնիայի ֆրանսերեն «Ժմպարտիալ» թերթը հայտնում էր, որ պատճառը «Մաղիկի» հրատարակության ֆիրման չունենալն է: Մինչդեռ «Մեղուն» պնդում էր, որ «Մաղիկը» հրատարակության արտոնագիրը կառավարությունն են երկու տարի է, որ ընդունած է¹⁰: Նույն թվականի նոյեմբերին վերահրատարակված հանդեսի խմբագիր Գր. Չիլինկիրյանը հայտնում է, որ ազգային վարչությունը պաշտոնապես հրատարակության արտոնագիր է խնդրել Բ. դռնից, որ և տրվել է իրեն¹¹: Պարզվում է, որ «Մաղիկի» հրատարակությունից առաջ Գր. Չիլինկիրյանին տրվել է հանդեսը Կ. Պոլսում հրատարակելու արտոնություն (խմբագիրը, ինչպես տեսնում ենք, այն ժամանակ չի հաղթահարել գավառում՝ Զմյուռնիայում, հանդեսը հրատարակելու հետ կապված դժվարությունները), որ նա ժամանակավորապես գործի է դրել հայրենի քաղաքում: Եվ միայն 1863 թ. հանդեսի խափանումից հետո Բ. Քրթիկյանի, Գր. Օտյանի և Հ. Սարաֆյանի օգնությամբ «Մաղիկի» արտոնագիրը փոխանցվել է Զմյուռնիայի վրա¹²: Արևմտահայ խմբագիրներից Ստ. Փափազյանը նկատում էր, որ «նոր հանդես կամ օրագիր հրատարակելու արտոնություն չկա, կամ թե առնելը խիստ դժվարին է. ասոր փորձը մեզմե նույն շատերն ըրին...»¹³:

Եթե նկատի ունենանք, որ 1840—1850-ական թվականներին հրատարակված թուրքական հիշյալ թերթերը վալելի են կառավարության բարեհաճությունը, իսկ օտարահպատակների մասուլը օգտվել է որոշակի առանձնաշնորհումներից, ապա ակնհայտ է դառնում, որ իշխանությունները այս շրջանում առանձնապես հետևել են ոչ մահմեդական ժողովուրդների, այդ թվում՝ և արևմտահայերի մամուլին: Մամուլի գործը կարգավորվել է ոչ միայն բանավոր, այլև գրավոր հրահանգների ուժով: Այսպես, երկու ամիս խափանվելուց հետո, 1861 թ. նոյեմբերին վերահրատարակվելով, «Մեղուն» գրում էր. «Մեղուն» այսօր նոքեն երևան կենն բաղձրագույն հրա-

⁶ «Նոյյան աղավնի», 1. XI. 1852:

⁷ H. R. E r t u g, Basın ve yayın hareketleri tarihi, İstanbul, 1960, s. 139, 150.

⁸ E. Z. K a r a l, Osmanlı tarihi, c. VII. Ankara, 1956, s. 217.

⁹ «Մուսայթ Մասյաց», 5. X. 1857:

¹⁰ «Մեղուն», 1863, № 193, էջ 85:

¹¹ «Մաղիկ», 1863, № 63, էջ 2:

¹² Նույն տեղում, էջ 3:

¹³ «Ժամանակ», 1863, № 23, էջ 184:

մանավ, Սույն հրամանը մեզի հաղորդող պաշտոնական նամակը կհիշեցնե Պոլիս տպվող ամեն ազգի և ամեն լեզուի օրագիրներուն տրված պատվերը՝ ազգային ներկա գործոց վրա բացարձակ լուսթյուն պահելու¹⁴։ Հրահանգներ են տրվել նաև որոշակի հարցի վերաբերյալ, նույն «Մեղուն» 1861 թ. նոյեմբերին տպագրել է իրեն ուղղված՝ իշխանությունների նախազգուշացույցը, որով արգելվում էր տպագրել նիկոմիդիայի կղերին քննադատող նամակները¹⁵։ Ուշագրավ է 1863 թ. հունվարին մամուլի դիմանի մի ազդր. այստեղ հայտնվում է, որ արգելվելու են այն բանավեճերը, «որոնք լրագրության վրա հաստատված կանոնադրության սահմաններում մեջ ճաշակելիք ընդհանուր շահուն վերաբերյալ խնդիրներու համար չըլլալով՝ անձնականին հետ առանձնական մասնավոր իրողություններու կվերաբերեն»¹⁶ (ընդգծումը մերն է—Ա. Խ.)։ Ի՞նչ լրագրության վրա հաստատված կանոնադրության մասին է խոսքը։ Հայտնի է, որ օսմանյան լրագրական առաջին կանոնադրությունը (օրենքը) հրապարակվել է 1864 թ. դեկտեմբերի 31-ին, նշված ազդից մոտ երկու տարի հետո։ Պետք է կարծել, որ եղել են բանավոր «կանոններ», որոնցով առաջնորդվել են մամուլի վերահսկողությունը ու լրագրողները նպատակով 1862 թ. ստեղծված լրագրության դիմանի աշխատակիցները և ոստիկանությունը։ Այդ կանոնները բավականաչափ սահմանափակել են պարբերականների ինքնուրույնությունը՝ նպատակ ունենալով մամուլը դնել ուղղափառ պաշտոնական գաղափարախոսության ընդունելի շրջանակների մեջ։ Մամուլը ենթարկվել է նաև որոշակի «կանոնի»՝ մեկ տարվա ընթացքում երեք նախազգուշացում ստացած ամեն մի պարբերական ենթակա էր խափանման։ Սակայն իշխանությունները իրենք են ոտնահարել այդ «կանոնը»։ 1863 թ. մարտին միայն մեկ նախազգուշացում ստանալուց հետո խափանվեց «Մեղուն»։ Նույնիսկ պահանջողական «Արշալույս» արարատյանն էր նկատում հանդեսի նկատմամբ կիրառված այդ արտաքու կարգի խստությունը¹⁷։

Մամուլի դեմ գործադրված ոստիկանական կամայականությունների ու բռնությունների մըշտական փաստերի մասին էլ վկայում է Պոլսի «Կուրիեր դ'Օրիենտ» ֆրանսերեն թերթը։ Հանգամանորին քննարկելով 1864 թ. մամուլի վերաբերյալ օրենքը, այդ թերթը գրում էր, թե լրագիրներն, որք մինչև ցարդ կապված էին, այսուհետև ալ վարդեն անկողնի մը վրա պառկած չպիտի ըլլան¹⁸։ Նույն օրենքի կապակցությամբ «Մասիս»-ը հիշում էր «մինչև ցարդ լրագրության վրա դրված խիստ կանոնացած առկայությունը»¹⁹։ Մամուլի թուրք պատմաբանները ևս որոշակի տևողություններ են հաղորդում 1840—50-ական թվականների գրաքննական բարձրի մասին, ցույց տալով, որ կառավարությունը շարունակ ճնշում էր պարբերականները (ընդհուպ մինչև տևական խափանումները)²⁰։ Ցանկացած դեպքում իշխանությունները կիրառել են նաև խիստ գրաքննություն (նախնական կամ ետպադրական)՝ ուշադիր հետևելով արևմտահայ մամուլի բովանդակությանը։ Այսպես, 1857 թ. հոկտեմբերին Ա. Հայկունու «Մուսայթ Մասյացը» ենթարկվել է ետպադրական գրաքննության։ Պարբերականի 2-րդ համարում, որ հրատարակվել է առաջին համարից մեկ ամիս անց, խմբագիրը գրում է. «Մեր շաբաթթերթին մեջ պարունակած նյութը երեք-չորս շաբաթի վեր քննության տակ ըլլալով՝ ստիպվեցանք անոր հրատարակումը քանի մը շաբաթ դադարեցնել»²¹։

Ձմյունիայի իշխանությունները նախնական գրաքննություն են սահմանել «Ծաղիկի»։ Նկատմամբ, մանավանդ այն ժամանակ, երբ ազգային հետադիմությունը մատնացույց է արել նրա «անբարեհույս» ընթացքը։ 1864 թ. «Մասիս»-ը «Կուրիեր դ'Օրիենտ» արտատպել է մի զմյուռնացու նամակը «Ծաղիկ» նախնական գրաքննության ենթարկելու մասին։ Բացահայտվում են գրաքննիչ Պողոս էֆենտու կամայական գործողությունները պարբերականի նկատմամբ²²։

Օսմանյան իշխանությունների կողմից հայ մամուլի և ընդհանրապես երկրում հրատարակվող մամուլի դեմ պատժիչ միջոցառումների երկար շարքը սկսվում է Ձմյունիայի «Հայրենա»-

¹⁴ «Մեղուն», 1861, № 44, էջ 101։

¹⁵ Նույն տեղում, № 146, էջ 217։

¹⁶ «Մասիս», 2. II. 1863։

¹⁷ «Արշալույս» արարատյան, 23. III. 1863։

¹⁸ «Մասիս», 16. I. 1865։

¹⁹ Նույն տեղում, 26. XII. 1864։

²⁰ H. R. E r t u g, Basın ve yayın hareketleri tarihi İkinci bası, İstanbul, 1959, s. 181.

²¹ «Մուսայթ Մասյաց», 5. 10. 1857։

²² «Մասիս», 11. 2. 1864։

ոնք թերթի (խմբագիր՝ Խ. Մելիքսեւեյան) խափանումով: Հնգ որում, թերթը խափանվել է երկու անգամ՝ 1843 թ. օգոստոսին և նույն թվականի հոկտեմբերից մինչև 1844 թ. ապրիլ: Պատճառը իշխանություններին ուղղված տեղի բուրժուառենտրական ազդեցիկ խմբակցության բողոքն էր համայնքի հասարակական անդորրը «վրդովող» պարբերականի դեմ:

Ձմյուռնից լույս տեսնող իշխանությունների և ազգային հետադիմության հաշտող զոհ դարձավ «Միութիւն» դեմոկրատական պարբերականը: Հայածանքի պատճառները, ինչպես ցույց էր տալիս Հ. Սըմաճյանը, «Միութիւն» էջերում տեղական շոշերի կամայականության դատապարտումն էր, ժողովրդական խաղերի իրավունքների պաշտպանությունը²³, խափանման իրավական հիմք դարձավ «Միութիւն» առանց արտոնագրի հրատարակվելու: Խմբագիրները բանտարկվեցին տեղական դեմ գրելու ամբաստանությամբ: Նրանք ազատ արձակվեցին այն րանից հետո, երբ իրենց տպագրած հոդվածները ներկայացրին իշխանություններին²⁴: Այդ միջադեպի պատճառով փակվեց Նաև Տեղական տպարանը, որտեղ տպագրվում էր «Միութիւնը»²⁵: Օսմանյան գրաքննության անհանդուրժողականությունը ծավալվում էր արևմտահայերի առգային-ազատագրական շարժման գաղափարախոսության զարգացմանը համընթաց: Որքան ավելի որակական որոշումներ էր ձեռք բերում այդ պրոցեսը, այնքան ավելի դժման, մանրամասնոր ու անհեթեթ էր դառնում գրաքննությունը: Այդ ուղեգիծը վայրագության էր հասնում այն ժամանակ, երբ կասկածի էր ենթարկվում լրագրության քաղաքական բարեհուսությունը: Փաղաքական մեղադրանքի մոտիվներով առաջնորդվեց ոստիկանությունը, երբ 1862 թ. օգոստոսին հաշվեհարդար տեսավ Կ. Փանոսյանի հայատառ թուրքերեն «Մյուսնատիի էրեֆաս» («Արգեստի մունեակ») թերթի հետ: Դեմոկրատական այս պարբերականը սահմանադրական գաղափարների պաշտպանությունը զուգորդել է աշխարհիկ ու կղերական հարստահարիչների, կրոնական գաղափարախոսության դեմ մղվող պայքարի հետ, պաշտպանել արևմտահայ հասարակ ժողովրդի իրավունքները: Ա. Ալպոյաճյանը ընդգծում է նրա խմբագրի սկզբունքային բանալիները Կեսարիայի (Կ. Փանոսյանի մենդալայի) «մենն ազաններու» դեմ, ինչպես և այն, որ նրա թերթը խթանել է ժողովրդի՝ ազատ խոսելու, անկաշկանդ շարժվելու քննական միտումը... Իր ունեցած ազատ իրավունքներով գիտակցությունը²⁶: Սատարելով Ջեյթունի ապստամբած լեռնականներին, Կ. Փանոսյանը նրանց դեմ արշավող թուրքական զորքերի հրամանատար Ադիգ փաշային անվանել էր «փարավոնական թաքարոս»²⁷, պաշտպանել զեյթունցիների արդար դատը: Թուրքական իշխանությունները շահագործեցին այդ ելույթը: Կ. Փանոսյանը ձերբակալվեց և բանտում անցկացրեց 1862 թ. օգոստոսի վերջից մինչև սեպտեմբերի 2-րդ տասնօրյակը: «Մյուսնատիի էրեֆասը» ընդմիջտ խափանվեց²⁸: Դա Թուրքիայում հրատարակվող մամուլի պատմության մեջ երկրորդ դեպքն էր, երբ խմբագիրը բանտ էր նետվում քաղաքական մեղադրանքով («Միութիւնից» հետո):

Մինչ այդ, Կ. Պոլսի ազգային վարչությունը փորձեց բռնաբերել ազատախոս մամուլի վրա, կասեցնել նրա քննադատությունը հետադիմության դեմ: Ազգային ժողովը 1861 թ. մայիսին հատուկ քննության առավ այդ հարցը և որոշեց պատրաստել ազգային մամուլի կանոնադրություն: Ստեղծվեց լրիսագրի մշակող հանձնաժողով, որի կազմի մեջ մտան Ն. Վարժապետյանը, Սամաթիո տեր-Արիստակես քահանան, Սերվիլենը, Ստ. Ասլանյանը, Գր. Աղաթոնը, Գր. Օտյանը և Առ. Տատյանը²⁹: 1863 թ. սահմանադրությունը տեղական կողմից վավերացվելուց մի քանի ամիս անց տպագրական օրինագրի արդեն պատրաստ էր: Այն կազմված էր ընդարձակ առաջարկից և 14 հոդվածներից: Անբովիշներ գործուն գեր էր ունեցել օրինագրի կազմելու կամ վերջնականապես խմբագրելու մեջ: Օրինագծով խիստ սահմանափակվում էր մամուլի ազատությունը: Սկզբային վարչությանն ուղղված մամուլի քննադատությունը ցանկացած պահին կարելի էր որակել իրրեկ նախատինք և անհերքելի հանդգնություն: Թեև առաջարկում դրված էր

²³ «Մեղու», 1861, № 122, էջ 11:

²⁴ Նույն տեղում, էջ 10:

²⁵ Գր. Գալեմբյան, Պատմություն հայ լրագրության 1860-ին մինչև մեր օրերը («Հանդես մամուլայ», 1897, № 2, էջ 35—36):

²⁶ Ա. Ալպոյաճյան, Պատմություն հայ Կեսարիո, հ. Ա, Կահիրե, 1937, էջ 1101:

²⁷ Ա. Գ. Հովհաննիսյան, Նալբանդյանը և նրա ժամանակը, Երևան, 1955, հ. 1, էջ 386:

²⁸ «Մասիս», 25. VII. 1862, 11. IX. 1862:

²⁹ «Առնեագրություն» Ազգային ժողովուրդ, 1860—1870, էջ 64:

«կարծյաց աղատ քննությունը», սակայն հետագա բազմաթիվ վերապահումներով մամուլը դժբախտաբար վարչության տնօրինության ներքո: Դատապարտվում էր անստորագիր նյութերի հրապարակումը, արգելվում էին կրոնը, սահմանադրությունը և ազգային վարչությունը «նախատեսված», ազգային պաշտոնականների «պատվուն» դպչելը, պատրիարքների, առաջնորդների, իրոսական ու քաղաքական ժողովների անդամների դեմ «թշնամանքը» և «խռովություն հարուցանելը»: Գրվածքները (հոդվ. 3—7): Տպագրական հանցանքների համար սահմանվում էին պատիժներ՝ դատապարտության վճռի հրապարակում, տուգանք (100—500 դուրուշի լափով), ժամանակավոր խափանումից (երկու շաբաթից մինչև երեք ամիս) մինչև մշտական դադարեցում (հոդվ. 12): Ընդգծվում էր տպագրական օրինագծի բխելը օսմանյան օրենքներից, ինչպես և տպագրական հանձնաժողովի կախումը իշխանություններից (հոդվ. 1, 13—14)³⁰:

Այսպիսով, օրինագծի հաստատման ղեկավարում արևմտահայ մամուլը ընկնելու էր կրկնակի ծանր դրաճության ներքո, և թեև հաշվի առնենք նաև գրաքննական պաշտոն ստանձնած իշխանությունների խիստ հսկողությունը: Նախագծի այս հետադիմական բովանդակության մասին Ա. Նալբանդյանը գրում էր. «Այնուհետև, մի կողմ թողած սահմանադրական գործը, այդ քըննի՝ ժողովի (հանձնաժողովի—Ա. Ն.) առաջին տնօրինությունն եղավ հայկական խոսքը ճնշել, տպագրության ազատությունը բռնաբարել: Պ. Սերվիլները կամակից էր այս բանին, և մեք առիտն ցավում ենք, որովհետև նորան ճանաչում ենք ստուգապես ազգասեր և ստուգապես մի հարգելի մարդ»³¹:

Օրինագծի հաստատումը, սակայն, ձգձգվում էր: Երեսփոխանների զգալի մասը դեմ էր գրան, ուստի, հետադիմական վարչությունը դիմեց բռնի միջոցների: 1863 թ. հոկտեմբերի 25-ին քաղաքական ժողովի նիստին հրավիրվեցին «Մեղվի», «Մասիսի», «Կիլիկիայի» և մի քանի այլ թերթերի լուսադիրները: Նրանց հայտնվեց, որ մինչև նախագծի հաստատումը պետք է ենթարկվեն մի բանի հրահանգների, այն է՝ «Ա. Կրոնի» դեմ լղբել: Բ. Սահմանադրության դեմ լղբել: Գ. Ազգային վարչության ըրածին և ընկիռներուն վրա բան մը լղբել: Դ. Անձնականության լղպիլը»³²: Հրահանգներին ընդդիմացան «Մեղվի» և «Ջեփյուռի» խմբագիրները: «Մեղուն» իր դիրքորոշումը հայտնեց «Խմբագրական օրենք» հոդվածում, որտեղ դատապարտում էր տպագրական օրինագիծը, իսկ հրահանգները բնութագրում որպես «անարդար և բռնական» միջոցառումներ, որոնք հակասում են սահմանադրության ոգուն³³: Ազգային վարչությունը թշնամաբար ընկալեց այս ելույթը: Պատրիարքը դիմեց ոստիկանությանը՝ «Մեղուն» պատժելու խնդրանքով: Պարբերականը խափանվեց 1863 թ. նոյեմբերի 11-ից մինչև դեկտեմբերի 3-ը:

Հետադիմական օրինագիծը և խմբագիրների դեմ ուղղված վարչության բռնի գործողությունները խիստ քննադատության ենթարկեցին 2. Սըվաճյանը, Ա. Մուրադյանը, Գր. Զիլիկիրյանը, Մ. Մամուրյանը, Կ. Փանոսյանը և ուրիշներ: Տպագիր խոսքի դեմկրատական սկզբունքները պաշտպանեց Մ. Նալբանդյանը՝ «Ազգային թշվառություն» հոդվածով: Այդ հոդվածը 1860-ական թվականներին արևմտահայ սահմանադրական պայքարի հանրագումարի վերլուծությունն է, ներհակ հասարակական հոսանքների արժեքավորումը, որն ամբողջացնելիս Մ. Նալբանդյանը խիստ կարևոր նշանակություն էր տալիս պարբերական մամուլի, գրատպության ազատությանը: Տպագիր խոսքի այսպիսի սկզբունքային պաշտպանությունը, անկասկած, իր ազդեցությունն է թողել երեսփոխանների նշանակալի մասի վրա, որոնք մերժել են օրինագիծը: 1863 թ. նոյեմբերին պարզ դարձավ, որ այն չի հաստատվելու: Նախ հրաժարվեցին օրենսդիր հանձնաժողովի մի քանի անդամներ, այդ թվում՝ Գր. Օտյանը և Սերվիլները: Նրանք իրենց հրաժարականը պատճառաբանում էին օրինագծի արդեն պատրաստ լինելով³⁴: Մինչդեռ երեսփոխանական ժողովում ջանքերն անվճար էին բորբոքվել կրքերը. դեկտեմբերի 6-ի նիստում բուռն վիճարկություններից հետո, «խնդիրն անորոշ կերպարանքի մեջ՝ երեսփոխանները ցրվեցան»,— գրում էր «Ժամանակը»³⁵: Արևմտահայ հասարակական հոսանքների միջև մամուլի ազատության, գրա սահմանների վերաբերյալ բանավեճը հետզհետե դուրս եկավ այդ խնդրի շրջանակներից և վերածվեց ընդհանրապես բարոյականության, կարծիքի ու խղճի ազատության շուրջ մղվող բանավեճի:

³⁰ Ժամանակ, 1863, № 23, էջ 179:

³¹ Մ. Նալբանդյան, Հրապարակախոսական երկեր, Երևան, 1973, էջ 427:

³² Մեղուն, 1863, № 122, էջ 314:

³³ Մեղուն, 1863, № 222, էջ 312—315:

³⁴ Ժամանակ, 1863, № 24, էջ 189:

³⁵ Նույն տեղում, № 25, էջ 204:

Գր. Օսլանի և Սերվիլենի հրաժարականը չի կարելի բացատրել սոսկ օրինագծի հակառակորդների բուն ընդդիմությամբ, Իրականում օսմանյան կառավարությունն արդեն ձեռնամուխ էր եղել տպագրական օրենքի ստեղծմանը և այս պայմաններում Բ. դուռը չէր կարող հանդուրժել զուտ արևմտահայ մամուլի համար նախատեսված կանոնադրությունը, 1864 թ. դեկտեմբերի 31-ին կառավարությունը հրապարակեց մամուլի վերաբերյալ օրենքը, որը հաջորդ տարվա սկզբից մտավ գործողության մեջ, Սուլթանական լոնկալությունը այդ օրենքով ձգտում էր պարզավորել մամուլի կախումը իշխանություններից, չափավորել ու կասեցնել և՛ թուրքական մամուլի ընդդիմադիր տրամադրությունները, և՛ ընկճված ժողովուրդների հասարակական մտքի ու ազատագրական շարժման գաղափարախոսության արթնացումը։ Եթե թուրքական օպորտյունիստ մամուլի մեջ սուլթանական ռեժիմը տեսնում էր՝ երկրի հասարակական վերակառուցմանն ուղղված վտանգավոր գաղափարներ, ապա ի դեմս հպատակ ժողովուրդների մամուլի՝ կայսրության ամբողջականությանը սպառնացող ազգային ինքնորոշման ձգտումները։ Իր մահվանից առաջ գրած հիշատակագրում Ֆուադ փաշան տալանապալի մտքեր էր հայտնել արևմտահայերի ազգային շարժման վերաբերյալ, և այդ մտքերը, ինչպես նշում է Ա. Ալպոյաճյանը, ծնվել էին սահմանադրական վեճերի, Ջեյթանի ապստամբության և այլնի պատճառով։ Ընդհանուր գործերում մեջ,— գրում էր փաշան,— մեր բոլոր շանքը միայն մեկ նպատակի մը ձգտելու է՝ զանազան ցեղերու ի մի ձուլումը... Գարատաղ մը, սերս իշխանություն մը, Հայաստանի թագավորություն մը իրենց և աշխարհի ամենափոքր օգուտ մը չընծայելիս ի դատ՝ առավել կամ նվազ ցնորական երազներ՝ են, մարդկային հին բաժանումներու դժբախտ մնացորդներ...»³⁶։ Այս նույն ժամանակաշրջանի մյուս քաղաքագետը՝ Ալի փաշան ևս իր կտակում Արդուլ Ակիդին խորհուրդ էր տալիս վերացնել միլիթների (առանձին կրոնական համայնքներ) վարչական սահմանադրությունները։ 1867 թ. նոյեմբերին Կրետեից ուղարկած իր մի հուշագրում ևս նա պնդում էր, որ օսմանյան բոլոր հպատակների միաձուլումը Թուրքիայի առաջընթացի միակ ուղին է³⁷։ Ակնհերև է, որ բռնակալության հարվածն ուղղվելու էր արևմտահայերի սահմանադրության, այլև այն սատարող հասարակական առաջավոր մտքի ու մամուլի վրա։ Այսուհանդերձ, 1864 թ. Ալի փաշան ղեկավարում էր փառաբանական հայտ ներկայացնող հրատարակությունների գարգացումը կանխել վերահսկող օրենքների համակարգով, շրջանցելով նախնական գրաքննությունը։ Հրապարակելով մամուլի վերաբերյալ օրենք՝ առանց նախնական գրաքննության օրենքի կամ նախնական գրաքննության, օսմանյան իշխանությունները, մյուս կողմից, սերմանում էին լիբերալ-ռեֆորմիստական պատրանքներ՝ իրականում ամուր բռնելով մամուլի սանձը։ Մամուլի օսմանյան օրենքը կազմվել էր նապոլեոն 11-ի 1852 թ. համապատասխան օրենքի³⁸ 1. ֆրանսիական ավելի վաղ՝ 1819, 1828 թթ. օրենքների լայն օգտագործմամբ³⁹։ Այն կազմված էր երկու մասից՝ «Ընդհանուր տրամադրություններ» (9 հոդված) և «Պատժական տրա-

³⁶ Ա. Ալպոյաճյան, Պատմությունը Եվրոպիո հայոց, Կահիրե, 1952, էջ 1108։

³⁷ R. Davison, The question of All paşa's Political Testament (International Journal of Middle East studies, 1980, vol. 11, № 2, pp. 210—211).

³⁸ H. R. Ertug, Նշվ. աշխ., էջ 181, R. Balkanlı, Kanunlarımız bakımından matbuat, hürriyeti..., Ankara, 1951, s. 23.

³⁹ Օսմանյան մամուլի օրենքը, որ քննության է առնված Ա. Զիվելեգյանի ուշագրավ աշխատության մեջ (տե՛ս A. Dyivleghian, La regime de la presse en Turquie, Paris, 1912), սերտ առնչություններ ունի ֆրանսիական մամուլի օրենքների հետ։ Այսպես, օսմանյան օրենքի 3-րդ հոդվածը՝ հրատարակության հայտի մեջ պարբերականի պատասխանատու տնօրենի անունը պարտադիր կարգով նշելու մասին, համապատասխանում է 1819 թ. հունիսի 9-ի ֆրանսիական համանշանակ օրենքին։ Եթե ֆրանսիական՝ 1828 թ. հուլիսի 18-ի օրենքով ենթադրվում էին թերթերի ու հանդեսների վարչական ու դատաստանական խափանումները, ապա օսմանյան օրենքով դատաստանական կարգով խափանումը հասցվում էր նվազագույնի՝ ի հակադրություն վարչական խափանումների լայն կիրառության։ 1849 թ. հուլիսի 27-ի ֆրանսիական օրենքով պատիժ էր սահմանվում այն դեպքում, երբ կեղծ լուրի տպագրությունը դիտվում էր իրրեկ հասարակական կարգի դեմ ուղղված սպառնալիք։ Օսմանյան համապատասխան օրենքը պատիժ էր ամրագրում առանց նման վերապահության՝ ընդհանրապես դիտավորյալ և շարժմունքով կեղծ լուրերի ու խաղախված հրապարակումների համար (նույն տեղում, էջ 26—32)։ Օսմանյան օրենքի 26-րդ հոդվածով այս սանկցիան իր հերթին անսահմանափակ ազատություն էր տալիս ոստիկանությանը՝ մամուլի հետ հաշվեհարդար տեսնելու համար։ Թուրքիկ

մադրություններ (26 հոդված)⁴⁰։ Նախնական գրաքննություն չէր սահմանվում, բայց թերթը կամ հանդեսը հրատարակելիս (տպագրվելուց հետո) տիրոջ կամ պատասխանատու տնօրենի ստորագրությամբ մեկ օրինակ պետք է ուղարկվեր Կ. Պոլսի մամուլի դիվան, զավառներում՝ վալիին (հոդվ. 4)։ Օրենքի առաջին մասով կարգավորվում էին պարբերականների հրատարակության սլաքմանների հետ կապված (արտոնություն, իշխանությունների և հրատարակիչ-խմբավարների փոխհարաբերություններ և այլն) իրավական հարաբերություններ։ Պատժական մասում նշվում էին ենթադրվող հանցանքները և դրանց պատժաչափերը (խմբագիր-հրատարակիչների ամենատեղական ժամկետով բանտարկությունը հասնում էր երեք տարվա, իսկ դրամական համարժեք տուգանքները՝ կեսից մինչև 100 լիրայի)։ Հանցանքի կրկնության դեպքում դատաստանական կամ վարչական միջոցով պատիժը կարող էր կրկնապատկվել (հոդվ. 33)։ Ամենախիստ հանցանքների՝ երկրի ենթադրվող հանցանքների և ապահովության, հասարակաց բարոյականության, սուլթանի կամ նրա գերդաստանի, պետական մարմինների ու պաշտոնական անձանց, դեսպանների դեմ մեղանշած պարբերականներին դատելու և հատուկ հանձնաժողովը, իսկ մյուս հոդվածներով նշված օրինազանցություններն ու հանցանքները՝ ոստիկանական ատյանը (հոդվ. 34)։ Ստացվում էր, որ ոստիկանական ատյանի իրավասությանը ենթակա յուրաքանչյուր սլաքբերական կարող էր խափանվել հենց ոստիկանության ձեռքով։ Դրանով մամուլը նշանակալի չափով հանձնվում էր իշխանությունների տնօրինությանը։ Այսինքն էր ընկնում այն հակասությունը, որ օրենքն ամբողջովին ընդգրկում էր հանցանքների դեմ կիրառվելիք պատիժները, մինչդեռ բացարձակապես չըջանցում էր լրագրողների ապահովության երաշխիքները, այդ թվում է և բողոքարկման իրավունքը⁴¹։

Այն, որ մամուլի օրենքը ոչ մի արժեք չէր ներկայացնում ոստիկանական բռնությունների հաւարար, մերկապարանոց ի հայտ եկավ «Մաղիկ» հանդեսը պատժելու օրինակով։ Այս պարբերականը տպագրել էր «Ժեռն Ժաննեու պարահանդեսը» ֆելիետոնը, որտեղ դատապարտվում էին վերնախավի քաղաքական բարքերը։ Ֆելիետոնում չկար և՛ ոչ մի կոնկրետ անուն, գործողության վայր, ուրվագծված էին միայն ընդհանրացված անձինք, բայց զմյուսնահայ երևելիներն այստեղ սենսան իրենց սեփական արտացոլումը։ Սրանց բողոքով «Մաղիկ» խմբագիր Գր. Չիլինկիրյանը 28 օրով բանտ նետվեց, բայց ազատվեց ժամկետից շուտ՝ այնտեղ մնալով 1865 թ. մարտի 20—25-ը⁴²։ Դատարանի դեր ստանձնած Զմյուռնիայի նախագահական ժողովը (մեշլիսի քեյրի) փաստորեն ոչ մի իրավական հիմք չունեի մեղադրելու հրապարակախոսին, առավել ևս՝ դատապարտելու նրան։ Ոստիկանական հաշվահարդարի ավանդույթը ավելի ուժեղ դուրս եկավ, րան մամուլի վերաբերյալ օրենքը։ Իրավական այդ նորաթուխ ակտը տալիս էր իր անգործունակության ապացույցը, ինչպես թանգիմաթի շրջանի այն բոլոր օրենքները, որոնք վերաբերում էին օսմանյան հպատակների քաղաքացիական իրավահավասարությանն ու իրավունքներին։

Իր ճեղքանակ ամբողջ նշանակությամբ մամուլի օրենքը, այնուամենայնիվ, կաշկանդում էր վարչական իշխանությունների գործողությունները։ Բանապետությունը չէր գոհացնում դրա հոգվածներով ենթադրվող դատաստանական կարգը⁴³։ Բ. դուռը այդպիսի թողնվությունը հանդուրժեց, այնքան ժամանակ, քանի դեռ չէին ակտիվացել ընդ օսմանների հրատարակությունները։ Եվ երբ 1867 թ. սկզբին «Մուհրիր» ու «Բասմիլի» էֆթյարը քննադատեցին արտաքին փոխադրությունները, բանակի գործողությունները Բելգրադի մոտ և ապա՝ Կրետեի գործերին եվրոպացիների միջամտությունը, երկուսն էլ խափանվեցին⁴⁴։ Մամուլի դեմ Ալի փաշան հարձակման անցավ նրա իրավական վիճակի վերանայման վճռով։ 1867 թ. մարտի 6-ին նա հրապարակեց

Համեմատություն իսկ ցույց է տալիս, որ մամուլը իշխանությունների նկատմամբ ստորադաս դիրքի մեջ դնելու համար օսմանյան օրենքը բավականաչափ հետադիմական տրամադրություններ է սեփականել ֆրանսիական օրենքներից՝ որոշ դեպքերում ծայրահեղության հասցնելով դրանք։

⁴⁰ «Մասիս», 19—26. XII. 1864։

⁴¹ А. Д. Желтяков, նշվ. աշխ., էջ 93։

⁴² «Մաղիկ», 1865, № 109, էջ 376։

⁴³ А. Д. Желтяков, նշվ. աշխ., էջ 93։

⁴⁴ S. Mardin, The genesis of Young Ottoman thought, Princeton, 1962, p. 20, R. Davison, Reform in the Ottoman Empire, Princeton, 1963, p. 208.

բողոք, այսպես կոչված, «Ալիի որոշումը», որով իշխանությունները դառնում էին մամուլի անսահմանափակ վերահսկողը։ Որոշման մեջ դատապարտվում էր կայսրության հիմքերը քայքայելուն ուղղված տեղական մամուլի մի մասի ձգտումը։ Նշվում էր, որ կառավարությունը դրա դեմ դործելու է վարչական կարգով և որ այդ կարգը կվերացվի, երբ վերացվեն դրանք ծնող պատհանները⁴⁵։ Կայսրության հետագա պատմության ընթացքում 1864 թ. դեկտեմբերի 31-ի օրենքը փաստորեն փոխարինված է եղել այդ որոշմամբ, թեև այն երբևէ չէ հայտարարվել։ Մինչդեռ «Ալիի որոշումը» գործողության մեջ եղել է մինչև երիտթուրքական հեղափոխությունը (1908 թ.) և իրավական հիմք դարձել համիդյան դրաքննության ավերածությունների համար⁴⁶։ 1880—1890-ական թվականներին պարբերականների խափանումներն ու հետապնդումները դրված խաղորակին հենվել են այդ որոշման վրա։

ЗАПАДНОАРМЯНСКАЯ ПЕЧАТЬ В НАЧАЛЬНЫЙ ПЕРИОД ОСМАНСКОЙ ЦЕНЗУРЫ (1840—60-ые годы)

АЛЬБЕРТ ХАЧАТЯН

Р е з ю м е

В 1840—1860-ых годах контроль над западноармянской печатью в Турции осуществлялся местными властями и национальным управлением. Правовое положение печати не было урегулировано, хотя и существовали некоторые административно-цензурные правила. В Константинополе и Измире армянская печать подвергалась строгому контролю и неоднократно закрывалась в административном порядке. В случае надобности по отношению к ней применялась не только последующая, но и предварительная цензура. Цензура была особенно непримиримой по отношению к тем изданиям, которые отражали идеи, направленные против турецкой деспотии.

«Закон о печати» от 31 декабря 1864 г. не гарантировал права редакторов и издателей от произвола местных властей, он был узаконен постановлением от 6 марта 1867 г. После опубликования постановления возникли большие трудности в приобретении разрешения на армянские издания.

⁴⁵ G. Young, Corps de droit Ottoman, vol. 2, Oxford, 1905, p. 326.

⁴⁶ S. R. Jskit, Türkiye'de matbuat rejimleri, Ankara, 1938, s. 22—26.